

Februari 22, 2019

www.awemainta.com

www.facebook.com/awemainta

noticia@awemainta.com




583-1400



AWEMainta

15
año

D-Day Caso IBIS awe mainta 9'or



M-Files® Document Management System


Find and access content based on
what it is, not where it is saved

WHAT vs WHERE

Automated Workflows
Access M-Files anywhere

VCC
International NV

Tel.: 583-7072 | info@vcc-int.com | www.vcc-int.com



Awe dia druk den Corte cu sentencia caso IBIS y casonan penal



DIABIERNA mainta ta bay ta un dia hopi druk den Corte unda cu no solamente tin casonan penal cu normalmente ta wordo trata riba diabierna pero tambe tin sentencia den e caso IBIS.

E sentencia ta programa pa tuma luga pa 9'or di mainta.

En total di 23 persona a wordo treci dilanti den mesa berde di e caso aki. E grupo aki ta consisti di ex Minister Paul Croes y su casa Melony Paesch; tin e grupo di tramitadornan; esnan cu tabata mediador entre Minister y tramitador; y un grupo di comerciante. Ex Minister Paul Croes a wordo acusa di e siguiente delitonan: Tumamento di regalo / promesa, labamento di placa, contrabanda di hende, falsificacion y malversacion.

E caso su tratamiento a cuminsa dia 14 di januari y a dura te cu dia 31 di januari, unda c uta hopi acusado y abogado mester a hiba palabra, reaccionando riba tur loke Ministerio Publico a trece dilanti den su rekisitorio.

E castigonan pidi den e caso IBIS, cu según OM ta e prome parti, ta manera ta sigui: Pa e ex Minister Paul Croes, a pidi 5 aña di prison, y cu durante 10 aña e no por eherce ningun funcion publico (ni ambtenaar, ni Parlamentario ni Minister).

Pa e tramitador cu tabata wordo yama e “dokter di milagro”, pasobra e ta logra haya e dispensacionnan y consehonan positivo enbes di negativo, Juanchito Filiciana, OM a pidi un castigo di 2 aña. E placa cu a confisca for di dje a pidi pa e keda den beslag. Y su partner den crimen Felipe Schwengle, kende un tempo aparentemente tabata doño di Bashaca, OM a pidi un castigo di un aña y mey di prizon.

Pa tur e otro acusadonan den e caso IBIS aki, a pidi castigo den forma di trabou pa comunidad y un castigo condicional. Pa Aleida Vasquez, di e compania Bashaca, Fiscal a exigi 80 ora di trabou pa comunidad, of 40 dia cera si e no cumpli; 4 luna di prizon condicional y 3 aña di prueba;

Pa Chunyan Liang y Luis Ochoa Ramirez, Fiscal a exigi 30 ora di trabou pa comunidad of 15 dia cera; 12 luna condicional y tres aña di prueba.

Pa Hang Chang Fung, Robio Di Vecchia y Fernando Latoracca, Fiscal a exigi 40 ora di trabou pa comunidad of 20 dia cera; 2 luna condicional cu un tempo di prueba di 3 aña;

Pa Juan Vasquez Lopez, Fiscal a exigi 80 ora di trabou pa comunidad of 40 dia cera; 4 luna condicional y 3 aña di prueba;

Pa Marie Vernais y Jairo Wever a demanda 90 ora di trabou pa comunidad of 45 dia cera, 3 luna condicional y 3 aña di prueba;

Pa Franklyn Bareño y Mario Arango Quinceno, Fiscal a demanda 100 ora di trabou pa comunidad of 50 dia cera; 2 luna condicional y 3 aña di prueba;

Pa Rudmilla Martinus e demanda tabata 110 ora di trabou pa comunidad of 55 dia cera, 4 luna condicional cu 3 aña di prueba; Pa Tad Siem Mong a pidi 160 ora di trabou pa comunidad of 80 dia cera, 4 luna di castigo condicional y 3 aña di prueba;

Pa Secretaria di ex Minister Paul Croes, esta Selma Arends, fiscal a pidi un castigo di 180 ora di trabou pa comunidad of 90 dia den prizon, 4 luna condicional y 3 aña di prueba; Y a finalisa cu otro grupo grandi cu ta 5 sospechosonan cu Fiscal a bisa ta bini despues di ex Minister Paul Croes.

Nan ta Melony Croes Paesch; Roque Aparicio, Giovanni Capriles, William t Cheng y Ninosca Nuñez. A pidi pa nan 240 ora di trabou pa comunidad of 120 dia cera, 4 luna di castigo condicional y 3 aña di prueba. E diferencia ta cu pa Melony Paesch a pidi un castigo condicional di 6 luna compara cu e 4 lunanan cu a wordo pidi pa e otroan.

Banda di e caso IBIS tin algun caso penal masha interesante, tres caso di asesinato, di cual 2 ta relaciona cu violencia domestico. Roy Croes y Alexander Jeremy Jonathan Ras, di 22 aña, mester presenta pa acusacion hopi serio di maltrato pisa y hincamento cu a conduci na morto di Anushka Tromp y Juraima Wouters.

E caso contra Roy ta sigui pero esun di Ras lo wordo trata riba un otro fecha, pues e ta bini dilanti al estilo Pro Forma. Un otro caso mas cu ta bini dilanti Pro Forma ta esun contra Ryson Paskel, acusa di a mata Camilo Carreño di 22 aña tras di Sandbar dia 2 di september, 2018.

AWEMainta lo ta presente pa cubri tur e casonan aki.